



此元朱彥脩撰格致餘論局方發揮二種明初舊刻刊
板風氣猶有元板遺風紙墨亦舊藏於怡府後入潘
伯寅家余并它書二十許種同得於吳興俞氏許姓製
已甚因寄姑蘇故友曹日有福君重裝之今日寄至殘年
向危雨雪載途得讀曼書實快事也今年所得善精本
約四十許種元刻林爽光左傳句解外即以此為最舊矣
此二書當日收入東垣十書中世傳只彙刻本此單刊更可貴
矣 乙未瞻月廿二日未癸榭燈下記



[Faint bleed-through text from the reverse side of the page, including characters like '東垣十書' and '潘伯寅']

林某宣日睹天一內書目美三有章垣十考一考殘右脾胃
臨三美 符神紙一冊起元至元丙子內人習天蓋此序中箱
刻本如皇上半年考十行一十七字以此二日地則此殆東垣十
書中之二種邪至元此序為聯中編之序為小全
書之序也地則此序仍係以知者刻非元行南校
丙申三月十日夏元以於此非年刻也共堂



拾致餘論序

素問載道之書也詞簡而義深去
文錯簡仍或有之故非吾儒不能讀學者以
易心求之宜其茫若望洋遠如噴蠟遂直以
為古書不宜於今厭而弃之相率以為高局方
文學期者讀之又以濟其方技漫不之察
道德廢此之由可嘆也震嘉三十
母之志屏疾來工來手由是有志於醫道
素問發之三年似有所得又二年母疾之
以

林是宜日贈天一內書目卷三有書垣十卷一書殘左脾胃
孫三美為棉紙冊題元至元丙子內人習天益序中稱
刻書如皇上半年考十行一十七字以此日也以此殆書垣十
書中一二種邪至元出序為脾胃編之序為序小令
書三山房也此則此書仍係以知舊刻非元時所收
丙申三月十日百夏元記以此非年刻也共堂



格致餘論序

素問載道之書也詞簡而義深去古漸遠衍
文錯簡仍或有之故非吾儒不能讀學者以
易心求之宜其茫若望洋漢如嚼蠟遂直以
為古書不宜於今厭而弃之相率以為局方
之學間有讀者又以濟其方技漫不之省醫
道隱晦職此之由可嘆也震昌三十歲時因
母之患脾疼衆工束手由是有志於醫遂取
素問讀之三年似有所得又二年母氏之疾
以藥而安因追念先子之內傷伯考之蒼問

叔考之鼻切切弟之腿痛室人之積痰一皆
歿於藥之候也心膽摧裂痛不可追然猶慮
學之未明至四十歲復取而讀之顧以質鈍
遂朝夕鑽研缺其所可疑通其所可通又四
年而得羅太無諱知悌者為之師因見河間
戴人東垣海藏諸書始悟濕熱相火為病甚
多又知醫之為書非素問無以立論非本草
無以立方有方無論無以識病有論無方何
以摸倣夫假說問答伸葉之書也而詳於外
感明著性味東垣之書也而詳於內傷醫之

為書至是始備醫之為道至是始明由是不
能不致疑於局方也局方流行自宋迄今罔
間南北翕然而成俗豈無其故哉徐而思之
濕熱相火自王太僕注文已成湮沒至張李
諸老始有發明人之一身陰不足而陽有餘
雖諄諄然見於素問而諸老猶未表章是宜
局方之盛行也震昌不揣蕪陋陳於編冊并
述金匱之治法以證局方之未備間以己意
附之於後古人以醫為吾儒格物致知一事
故目其篇曰格致餘論未知其果是否耶後

之君子幸改而正諸

[Faded vertical text columns, likely bleed-through from the reverse side of the page]

格致餘論目錄

飲食色欲箴序

飲食箴

色欲箴

陽有餘陰不足論

治病必求其本論

潘豚論

養老論

慈幼論

金華

朱子

撰



夏月伏陰在內論

豆瘡陳氏方論

痛風論

痰瘡論

病邪雖實胃氣傷者勿使攻擊論

治病先觀形色然後察脉間證論

大病不守禁忌論

虛病痰病有似邪祟論

面鼻得令則黑論

胎自墮論

難產論

難產胞損淋瀝論

胎婦轉胞病論

乳硬論

受胎論

人迎氣口論

春宣論

醇酒宜冷飲論

癰疽當分經絡論

脾約丸論

鼓脹論

疝氣論

秦桂丸論

惡寒非寒病惡熱非熱病論

經水或紫或黑論

石膏論

脉夫必病進論

生氣通天論病因章句辯

太僕章句

新定章句

倒倉論

相火論

左大順男右大順女論

茹淡論

吃逆論

房中補益論

天氣屬金說

張子和攻擊注論

格致餘論目錄

格致餘論

飲食色欲箴序

金華 朱子撰

侍曰飲食男女人之大欲存焉予每思之
男女之欲所關甚大飲食之欲於身尤切
世之淪胥陷溺於其中者蓋不少矣苟志
於道必先於此克心焉因作飲食色欲二
箴以示弟姪并告諸同志云

飲食箴

人身之貴父母遺體為口傷身滄滄皆是人

有此身飢渴游興迺作飲食以遂其生嗜彼
昧者因縱口味五味之過疾病蜂起病之生
也其機甚微饒涎所牽忽而不思病之成也
飲食俱廢憂貽父母醫禱百計山野貧賤淡
薄是諳勗作不衰此身亦安均氣同體我獨
多病悔悟一萌塵開鏡淨曰節飲食易之象
辭養小失大孟子所譏口能致病亦敗爾德
守口如瓶服之無斃

色欲箴

惟人之生與天地參坤道成女乾道成男配

為夫婦生育攸寄血氣方剛惟其時矣成之
以禮接之以時父子之親其要在茲嗜彼昧
者徇情縱欲惟恐不及濟以燥美氣陽血陰
人身之神陰平陽秘我體長春血氣幾何而
不自惜我之所生翻為我賊女之耽兮其欲
實多閨房之肅門庭之和士之耽兮其家自
廢既喪厥德此身亦瘁遠彼帷薄放心乃敢
飲食甘美身安病瘳

陽有餘陰不足論

人受天地之氣以生天之陽氣為氣地之陰

氣為血故氣常有餘血常不足何以言之天地為萬物父母天大也為陽而運於地之外地居天之中為陰天之天氣舉之日實也亦屬陽而運於月之外月缺也屬陰稟日之光以為明者也人身之陰氣其消長視月之盈缺故人之生也男子十六歲而精通女子十四歲而經行是有形之後猶有待於乳哺水穀以養陰氣始成而可與陽氣為配以能成人而為人之父母古人必近三十二而後嫁娶可見陰氣之難於成而古人之善於攝

養也禮記注曰惟五十然後養陰者有以知內經曰年至四十陰氣自半而起居衰矣又曰男子六十四歲而精絕女子四十九歲而經斷夫以陰氣之成止供給得三十年之視聽言動已先虧矣人之情欲無涯此難成易虧之陰氣若之何而可以供給也經曰陽者天氣也主外陰者地氣也主內故陽道實陰道虛又曰至陰虛天氣絕至陽盛地氣不足觀虛與盛之所存非吾之過論主閉藏者腎也司竦泄者肝也二臟皆有相火而其系上

屬於心。心君火也。為物所感則易動。心動則相火亦動。動則精自走。相火翕然而起。雖不交會亦暗流而踈泄矣。所以聖賢只是教人收心養心。其旨深矣。天地以五行更迭衰旺而成。四時人之五臟六腑亦應之。而衰旺四時。月屬巳五月屬午為火。大旺火為肺。金之夫火旺則金衰。六月屬未為土。大旺土為水之夫。土旺則水衰。況腎水常藉肺金為母。以補助其不足。故內經諄諄於資其化源也。古人於夏必獨宿而淡味。兢兢業業於愛護也。保

養金水二臟。正嫌火土之旺。爾內經曰。冬不藏精者春必病溫。十月屬亥十一月屬子。正火氣潛伏。閉藏以養其本然之真。而為來春發生升動之本。若於此時恣嗜欲以戕賊至春升之際。下無根本。陽氣輕浮。必有溫熱之病。夫夏月火土之旺。冬月火氣之伏。此論一年之虛耳。若上弦前下弦後。月廓月空亦為一月之虛。耳。若大風大霧虹霓飛電暴寒暴熱日。月薄蝕憂愁忿怒驚恐悲哀醉飽勞倦謀慮。勤動又皆為一日之虛。若病患初退瘡痍正。

作尤不止於一日之虛今日多有春末夏初
患頭痛脚軟食少體熱仲景謂春夏劇秋冬
差而脉弦大者正世俗所謂注夏病若犯此
四者之虛似難免此夫當壯年便有老態仰
事俯育一切墮壞與言至此深可驚懼古人
謂不見所欲使心不亂夫以溫柔之盛於體
聲音之盛於耳顏色之盛於目馨香之盛於
鼻誰是鐵漢心不為之動也善攝生者於此
五箇月出居於外苟值一月之虛亦宜暫遠
帷幕各自珍重保全天和期無負敬身之教

幸甚

治病必求其本論

病之有本猶草之有根也去葉不去根草猶
在也治病猶去草病在臟而治腑病在表而
攻裏非惟戕賊胃氣抑且資助病邪醫云乎
哉族叔紅年七十稟甚壯形甚瘦夏末患泄
利至深秋百方不應予視之曰病雖久而神
不悴小便澀少而不赤兩手脉俱澀而頗弦
自言鬲微悶食亦減因悟曰此必多年沈積
僻在胃腸詢其平生喜食何物曰我喜食鯉

魚三年無一日缺予曰積痰在肺肺為大腸之臟宜大腸之本不固也當與澄其源而流自清以茱萸陳皮青礬蘆首根生薑煎濃湯和以沙糖飲一碗許自以指探喉中至半時辰吐痰半升許如膠是夜減半次早又飲又吐半升而利止又與平胃散加白朮黃連旬日而安東陽王仲延遇諸途來告曰我每日食物必屈曲自鬲而下且硬澀作微痛它無所苦此何病臆之甚瀹而問尤沈左却和予曰汗血在胃統之曰氣因鬱而為痰此必

食物所致明以告我彼亦不自覺予又曰去臘食何物為多曰我每日必早飲點剝酒兩三盞逼寒氣為製一方用韭汁半銀盞冷飲細呷之盡韭葉半斤而病安已而果然又一隣人年三十餘性狡而躁素患下疳瘡或作或止夏初患自利鬲上微悶醫與治中湯兩貼昏悶若死片時而甦予脉之兩手皆瀉重取略弦似數予曰此下疳瘡之深重者與當歸龍會丸去麝四貼而利減又與小柴胡去半夏加黃連芍藥川芎生薑煎五六貼而

安彼三人者俱是瀯脉或弦或不弦而治法迥別不求其本何以議藥

瀯脉論

人一呼脉行三寸一吸脉行三寸呼吸定息脉行六寸一晝一夜一萬三千五百息脉行八百一十丈此平人血氣運行之定數也醫者欲知血氣之病與不病非切脉不足以得之脉之狀不一載於脉經者二十有四浮沈芤滑實弦緊洪微緩瀯遲伏濡弱數細動虛促結代革散其狀大率多兼見人之為病有

四曰寒曰熱曰實曰虛故學脉者亦必以瀯沈遲數為之綱以察病情此不易之論也然瀯之見固多虛寒亦有痼熱為病者醫於指下見有不足之氣象便以為虛或以為寒益浪與藥無非熱補輕病為重重病為死者多矣何者人之所藉以為生者血與氣也或因憂鬱或因厚味或因無汗或因補劑氣騰血沸清化為濁老痰宿飲膠固雜揉脉道阻滯不能自行亦見瀯狀若重取至骨來似有力且帶數以意參之於證驗之形氣但有熱證

當辨癩熱可也此論為初學者發圍換之士
必以為贅東陽吳子方年五十七形肥味厚且
多憂怒脉常沈瀋自春來得痰氣病醫認為
虛寒率與燥熱香竄之劑至四月間雨足弱
氣上衝欲食減召予治之予曰此熱鬱而脾
虛痿厥之證作矣形肥而脉沈未是死證但
藥邪太盛當此火旺實難求生且與竹瀝下
白朮膏盡二斤氣降食進一月後大汗而死
言此以為諸賢覆轍戒云

養老論

人生至六七十以後精血俱耗年若無
已有熱證何者頭昏目眩肌痺脚軟鼻涕牙
落涎多寐少足弱耳聾健忘眩暈腸燥面垢
髮脫眼花久坐兀睡未風先寒食則易飢咳
則有淚但是老境無不有此或曰局方烏附
丹劑多與老人為宜豈非以其年老氣弱下
虛理宜溫補今予皆以為熱烏附丹劑將不
可施之老人耶余晚之曰寒止烏附丹劑不
可妄用至於好酒膩肉濕麵油汁燒炙蝦蟹
辛辣甜滑皆在所忌或曰子何愚之甚耶甘

旨養老經訓具在為子為婦甘旨不及孝道
便虧而吾子之言若是其將有說以通之乎
願聞其略予愀然應之曰正所謂道並行而
不悖者請詳言之古者井田之法仁鄉閭之
教與人知禮讓比屋可封肉食不及幼壯五
十纒方食肉強壯恣饗比及五十疾已蜂起
氣耗血竭筋柔骨痿腸胃壅閼涎沫克溢而
況人身之陰難成易虧六七十後陰不足以
配陽孤陽幾欲飛越因天生胃氣尚爾留連
又藉水穀之陰故為糜而定耳所陳前證

是血少內經曰腎惡燥烏附丹劑非燥而
夫血少之人若防風半夏蒼朮香附但是燥
劑且不敢多況烏附丹劑乎或者又曰一部
局方悉是溫熱養陽吾子之言無乃繆妄乎
予曰局方用燥劑為劫濕病也濕得燥則豁
然而收局方用煖劑為劫虛病也補腎不如
補脾脾得溫則易化而食味進下雖暫虛亦
可少回內經治法亦許用劫正是此意蓋為
質厚而病淺者設此亦儒者用權之意若以
為經常之法豈不夫誤彼老年之人質雖厚

此時亦近乎薄病雖淺其本亦易以撥而可
以劫藥取速效乎若夫形肥者血少形瘦者
氣實間或有可用劫藥者設或失手何以取
救吾寧稍遲計出萬全豈不美乎烏附丹劑
其不可輕顧也明矣至於飲食尤當謹節夫
老人內虛脾弱陰虧性急內虛胃熱則易飢
而思食脾弱難化則食已而再飽陰虛難降
則氣鬱而成痰至於視聽言動皆成廢懶百
不如意怒火易熾雖有孝子順孫亦是動輒
扼腕況未必孝順乎所以物性之熱者炭火

製作者氣之香辣者味之甘膩者其不可食
也明矣雖然腸胃堅厚福氣深壯者世俗觀
之何妨奉養縱口固快一時積久必為災害
由是觀之多不如少少不如絕爽口作疾厚
味措毒前哲格言猶在人耳可不慎歟或曰
如子之言殆將絕而不與於法安乎子曰君
子愛人以從小人愛人以姑息况施於所尊
者哉惟飲與食將以養生不以致疾若以所
養轉為所害恐非君子之所謂孝與敬也然
則如之何則可曰好生惡死好安惡病人之

常情為子為孫必先開之以義理曉之以物性旁譬曲喻陳說利害意識辭確一切以嚴慎行之又次以身先之必將有所感悟而無扞格之逆矣吾子所謂絕而不與施於有病之時尤是孝道若無病之時量酌可否以時而進某物不食某物代之又何傷於老道乎若夫平居閑話素無開導誘掖之言及至飢腸已鳴饒涎已動飲食在前馨香撲鼻其可禁乎經曰以飲食忠養之忠之一字恐與此意合請勿易看過予事老母固有愧於古者

慈母年七十旬素多痰飲至此不作節養之道自言有術只因大便燥結時以新牛乳糖用和糜粥中進之雖以暫時滑利終是膩物積多次年夏時鬱為粘痰發為脇瘡連日作楚寐興墮獲為之子者置身無地因此苦思而得節養之說時進麥朮等補胃補血之藥隨天令加減遂得大腑不燥面色瑩潔雖覺瘦弱終是無病老境得安藏此之由也因成一方用麥朮為君牛膝芍藥為臣陳皮茯苓為佐春加川芎夏加五味黃芩麥門冬冬加

當歸身倍生薑一日或一貼或二貼聽其小便
水繞覺短少便進此藥小便之長如舊即是
卻病捷法後到東陽因聞老何安人性聰敏
七十以後稍覺不快便却粥數日單進人參
湯數貼而止後九十餘無疾而卒以其偶同
故筆之以求正是

慈幼論

人生十六歲以前血氣俱盛如日方升如月
將圓惟陰長不足腸胃尚脆而窄養之之道
不可不謹童子不衣裘帛前哲格言具在人

百裳下體之服帛溫輒甚於布也裘皮衣溫
輒甚於帛也蓋下體主陰得寒涼則陰易長
得溫煖則陰暗消是以下體不與帛縮夾厚
溫煖之服恐妨陰氣實為確論血氣俱盛食
物易消故食無時然腸胃尚脆而窄若稠粘
乾硬酸醎甜辣一切魚肉木果濕麵燒炙煨
炒但是發熱難化之物皆宜禁絕只與乾柿
熟菜白粥非惟無病且不縱口可以養德此
外生栗味酸乾柿性涼可為養陰之助然栗
大補柿大溫俱為難化亦宜少與婦人無知

惟務姑息畏其啼哭無所不與積成痼疾雖
悔何及所以富貴驕養有子者病迨至成人
筋骨柔弱有疾則不能忍口以自養居喪則
不能食素以盡禮小節不謹大義亦虧可不
慎歟至於乳子之母尤宜謹節飲食下咽乳
汁便通情欲動中乳脉便應病氣到乳汁必
凝滯兒得此乳疾病立至不吐則瀉不瘡則
熱或為口糜或為驚搐或為夜啼或為腹痛
病之初來其溺必甚少便溲詢問隨證調治
毋安亦安可消患於未形也夫飲食之擇

是亦可乳母稟受之厚薄情性之緩急骨相
之堅脆德行之善惡兒能速育尤為關係或
曰可以已矣曰未也古之胎教具在方冊愚
不必贅若夫胎孕致病事起茫昧人多玩忽
醫所不知兒之在胎與母同體得熱則俱熱
得寒則俱寒病則俱病安則俱安母之飲食
起居尤當慎密東陽張進士次子二歲滿頭
有瘡一日瘡忽自平遂患痰喘予視之曰此
胎毒也慎勿與解利藥來也愕然予又曰乃
母孕時所喜何物張曰辛熱物是其所喜

因口授一方用人參連翹芍藥甘草陳皮
芍藥木通濃煎沸湯入竹瀝與之數日而安
或曰何以知之曰見其精神昏倦病變得深
決無外感非胎毒而何予之次女形瘦性急
體本有熱懷孕三月適當夏暑口渴思水時
發小熱遂教以四物湯加黃芩陳皮生甘草
木通因懶於煎煮數貼而止其後此子二歲
瘡痍遍身忽一日其瘡頓愈數日遂成瘰癧
予曰此胎毒也瘡若再作病必自安已而果
然若於孕時確守前方何病之有又陳氏女
八歲時得癩病遇陰雨則作遇驚亦作口出
涎沫聲如羊鳴予視之曰此胎受驚也其病
深癩調治半年病亦可安仍須淡味以佐藥
功與燒丹元繼以四物湯入黃連隨時令加
減半年而安

夏月伏陰在內論

天地以一元之氣化生萬物振於中者曰神
振根於外者曰氣血萬物同此一氣人靈於
物形與天地參而為三者以其得氣之正而
通也故氣升亦升氣降亦降氣降亦降氣沈

亦沈入與天地同一橐籥子月一陽生陽初動也寅月三陽生陽初出於地也此氣之升也巳月六陽生陽盡出於上矣此氣之浮也人之腹屬地氣於此時浮於肌表散於皮毛腹中虛矣經曰夏月經滿地氣溢滿入經絡受血皮膚充實長夏氣在肌肉所以表實表實者裏必虛世言夏月伏陰在內此陰字有虛之義若作陰冷看其悞甚矣或曰以手捫腹明也其冷非冷而何前人治暑病有玉龍元大順散桂苓丸單煮良薑與縮脾飲用草

果等皆行溫熱之劑何吾子不思之甚也予曰春夏養陽王太僕謂春食涼夏食寒所以養陽也其意可見矣若夫涼臺水館大扇風卑陰水寒泉果冰雪涼之傷自內及外不用溫熱病何由安詳玩其意實非為內伏陰而用之也前哲又謂升降浮沈則順之寒熱溫涼則逆之若於夏月火令之時妄投溫熱寧免實實虛虛之患乎或曰巳月純陽於理或通五月一陰六月二陰非陰冷而何予曰此陰之初動於地下也四陽浮於地上燔灼焚

燎流金爍石何陰冷之有殊真人製生脉散
令人夏月服之非虛而何

豆瘡陳氏方論

讀前人之書當知其立言之意苟讀其書而
不知其意求適於用不可得也豆瘡之論錢
氏為詳歷舉源流經絡明分表裏虛實開陳
其施治之法而又證以論辯之言深得著言
垂教之體學者讀而用之如求方圓於規矩
較平直於準繩引而伸之觸類而長之可為
無窮之應用也今人不知致病之因不求立

方之意倉卒之際據證於方漫爾一試致有
不應并其書而廢之不思之甚也近因局方
之教久行素問之學不講抱疾談醫者類皆
喜溫而惡寒喜補而惡解利忽得陳氏方論
皆燥熱補劑其辭確其文簡懽然用之翕然
信之遂以為錢氏不及陳氏遠矣或曰子以
陳氏方為不足歟曰陳氏方誠一偏論雖然
亦可謂善求病情者其意大率歸重於太陰
一經蓋以手太陰屬肺主皮毛也足太陰屬
脾主肌肉肺金惡寒而易於感脾胃土惡濕

而無物不受觀其用丁香官桂所以治肺之
寒也用附朮半夏所以治脾之濕也使其肺
果有寒脾果有濕而兼有虛也量而與之中
病則止何傷之有今也不然徒見其瘡之出
遲者身熱者泄瀉者驚悸者氣急者渴思飲
者不問寒熱虛實寒投木香散異功散間有
偶中随手獲效設或悞投禍不旋踵何者古
人用藥製方有向導有監制有反佐有因用
若錢氏方固未嘗廢細辛丁香白朮參芪等
率有監制輔佐之藥不專務於溫補身然其

用涼寒者多而於輔助一法略聞端緒未會
深及癡人之前不可說夢錢氏之慮至矣亦
將以候遲者擴充推廣而用雖然渴者用溫
藥瘁塌者用補藥自陳氏發之迥出前輩然
其多用桂附丁香等燥熱恐未為適中也何
者桂附丁香等藥當有寒而虛固是的當虛而
未必寒者其為害當何如耶陳氏立方之時
必有挾寒而豆瘡者其用燥熱補之固其宜
也今未挾寒而用一偏之方寧不過於熱乎
予嘗會諸家之粹求其意而用之實未敢擬

其成方也試舉一二以證之從子六七歲時
患豆瘡發熱微渴自利一小方脉視之用木
香散每貼又增丁香十粒予切疑焉觀其出
遲固因自利而氣弱察其所下皆臭滯陳積
因腸胃熱蒸而下也恐非有寒而虛遂急止
之已投一貼矣繼以黃連解毒湯加白朮與
十貼以解丁香之熱利止瘡亦出其後肌常
有微熱而手足生癰瘡與涼劑調補踰月而
安又一男子年十六七歲發熱而昏目無視
耳無聞兩手脉皆豁大而略數知其為勞傷

矣時里中多發豆者雖不知人與藥則飲
粥則食遂教參芪當歸白朮陳皮大料濃煎
與之飲至三十餘貼豆始出又二十餘貼則
成膿泡身無全膚或曰病勢可畏何不用陳
氏全方治之余曰此但虛耳無寒也只守前
方又數十餘貼而安後詢其病因謂先四五
日恐有出豆之病遂極力煎採連日出汗甚
多若用陳氏全方寧無後悔至正甲申春陽
氣早動正月間邑間豆瘡不越一家平投陳
氏方童幼死者百餘人雖由天災吾恐人事

亦或未之盡也

痛風論

氣行脉外血行脉內晝行陽二十五度夜行陰二十五度此平人之造化也得寒則行遲而不及得熱則行速而太過內傷於七情外傷於六氣則血氣之運或遲或速而病作矣彼痛風者大率因血受熱已自沸騰其後或涉冷水或立濕地或扇取涼或卧當風寒涼外搏熱血得寒汗濁凝澀所以作痛夜則痛甚行於陰也治法以辛熱之劑流散寒濕開

過山龍等佐之皆性熱而燥者不能養陰
能燥濕病之淺者濕痰得燥則開熱血得熱
則行亦可取效彼病深而血少者愈劫愈虛
愈劫愈深若朱之病是也子以我為迂緩乎

痰瘧論

內經謂夏傷於暑秋傷於風必有痰瘧痰瘧
老瘧也以其隔兩日一作纏綿不休故有是
名前賢具有治法然皆峻劑有非稟受性弱
與居養所移者所宜用也惟許學士方有用
參芪等補劑而又不曾深論後學難於推測

因見近年以來五十歲以下之人多是怯弱者況嗜欲縱恣十倍於前以弱質而得深病最難為藥始悟常山烏梅砒丹等為劫痰之劑若悞用之輕病為重重病必死何者夫三子一作陰受病也作於子午卯酉日少陰瘧也作於寅申巳亥日厥陰瘧也作於辰戌丑未日太陽瘧也瘧得於暑當以汗解或涼臺水閣陰木冷地他人揮扇泉水澡浴汗不得泄鬱而成痰其初感也胃氣尚強全不自覺至於再感瞠然無知又復恣意飲食過分勞

動竭力房事胃氣大傷其病乃作深根固宜其難愈病者欲速愈甘辛峻劑醫者欲急利遽便將投殊不知感風感暑皆外邪也當以汗解所感既深決非一二升汗可除亦有胃氣少回已自得汗不守禁忌又復觸冒舊邪未去新邪又感展轉沈滯其病愈深況來求治者率皆輕試速效劫病之藥胃氣重傷吾知其難免於禍矣由是甘為遲鈍乾我馳驅必先與參朮陳皮芍藥等補劑輔以本經之藥惟其取汗若得汗而體虛又須重用補

劑以助之俟汗出通身下過委中方是佳兆
仍教以淡飲食省出入避風就溫遠去帷薄
謹密調養無有不安若感病極深雖有大汗
所感之邪必自臟傳出至腑其發也必亂而
失期亦豈是佳兆故治此病春夏為易秋冬
為難非有他也以汗之難易為優劣也或曰
古方用此丹烏梅常山得效者不為少子以
為不可用乎予曰腑受病者淺一日二作間
一日一作者是胃氣尚強猶可與也彼三日
一作者病已在臟矣在臟者難治以其外感

猶可治也而可用劫藥以求速效乎前歲憲
僉詹公稟甚壯形甚強色甚蒼年近六十二
月得痲瘡召予視之知其飮於醲肥者告之
曰須遠色食淡調理決月得大汗乃安公不
悅一人從旁曰此易耳數日可安與劫藥三
五貼病退旬日發又作又與又退綿延至冬
病猶未除又來求治予知其久得藥瘳亦少
惟胃氣未完又天寒汗未透遂以白朮和
朮與二片令其過飢時且食取一二百丸
以熱湯下只與白朮調養盡此藥當大汗而

實已而果然如此者愈多但藥略有加減不
必盡述

病邪雖實氣傷者勿使攻擊論
凡言治國者多借醫為論仁哉斯言也真氣
民也病耶盜賊也或有盜賊勢須剪除而後
已良相良將必先審度兵食之虛實與時勢
之可否然後動動涉輕妄則吾民先困於盜
次困於兵民困而國弱矣行險僥倖小人所
為萬象森羅果報昭顯其可不究心乎請舉
一二以為凡例永康呂親形瘦色黑平生喜

酒多飲不困年近半百且有別館忽一日大
惡寒發戰且自言渴却不飲予診其脉大而
弱惟右關稍實略數重取則瀦遂作酒熱內
鬱不得外泄由表熱而不虛也黃芪一物以
乾葛湯煎與之盡黃芪二兩乾葛一兩大得
汗次早安矣又葉先生患滯下後甚逼迫正
合承氣證予曰氣口虛形雖實而面黃稍白
此必平昔食過飽而胃受傷寧忍一兩日辛
苦遂與參朮陳皮芍藥等補藥十餘貼至三
日後胃氣稍完與承氣兩貼而安苟不先補

完胃氣之傷而遂行承氣否恐病安之後寧
免瘦憊乎又一婢色紫稍肥性沈多憂年近
四十經不行三月矣小腹當中有一氣塊初
起如粟漸如炊餅予脉之兩手皆濡重取却
有試令按其塊痛甚捫之高半寸遂與千金
消石丸至四五次彼忽自言乳頭黑且有汁
恐有娠予曰非也濡脉無孕之理又與三五
貼脉之稍覺虛豁予悟曰藥太峻矣今止前
藥與四物湯倍加白朮佐以陳皮至三十貼
候脉完再與消石丸至四五次忽自言塊消

一暈便令莫服又半月經行痛甚下黑血半
升內有如椒核數十粒乃塊消一半又來索
藥以消餘塊余曉之曰勿性急塊已開矣不
可又攻若次月經行當盡消矣次月經行下
少黑血塊又消一暈又來問藥余曰但守禁
忌至次月必消盡已而果然大凡攻擊之藥
有病則病受之病邪輕而藥力重則胃氣受
傷夫胃氣者清純冲和之氣也惟與穀肉菜
果相宜蓋藥石皆是偏勝之氣雖參芪輩為
性亦偏況攻擊之藥乎此婦胃氣自弱好血

亦少若塊盡而却藥胃氣之存者幾希矣議
論至此醫云乎哉

治病先觀形色然後察脉問證論

經曰診脉之道觀人之勇怯肌肉皮膚能知其
情以為診法也凡人之形長不及短大不及
小肥不及瘦人之色白不及黑嫩不及蒼薄
不及厚而况肥人濕多瘦人火多白者肺氣
虛黑者腎氣足形色既殊臟腑亦異外證雖
同治法迥別所以肥人責脉浮瘦人責脉沈
躁人疑脉緩緩人疑脉躁以其不可一槩

也試陳一二幸以例推東陽陳兄露筋骨體
稍長患體虛而勞頭痛甚至有決別之言余
察其脉弦而大帶數以人參白朮為君川芎
陳皮為佐至五六日未減衆皆訝之以藥之
不對也余曰藥力有次第矣更少俟一二宿
當自安忽其季來問曰何不少加黃芪予笑
不荅又經一宿忽自言病頓愈予脉之覺指
下稍盛又半日病者言膈上滿不覺飢視其
腹紋已隱矣予曰夜來藥中莫加黃芪否曰
然止與三貼遂速與二陳湯加厚朴枳殼黃

連以瀉其衛三貼而安又浦江義門鄭兄年
二十餘秋間大發熱口渴妄言妄見病侶邪
鬼七八日後召予治脉之兩手洪數而實視
其形肥面赤帶白却喜露筋脉本不實涼藥
所致此因勞倦成病與溫補藥自安曰柴胡
七八貼矣以黃芪附子湯冷與之飲三貼後
困倦鼾睡微汗而解脉亦稍軟繼以黃芪白
朮湯至十日脉漸收斂而小又與半月而安
夫黃芪補氣藥也此兩人者一則氣虛一則
氣實便有宜不宜存焉可不審乎

大病不守禁忌論

病而服藥須守禁忌孫真人千金方言之詳
矣但不詳言所以守禁忌之由敢取其略以
為規戒夫胃氣者清純冲和之氣人之所賴
以為生者也若謀慮神勞動作形苦嗜欲無
節思想不遂飲食失宜藥餌違法皆能致傷
既傷之後須用調補恬不知怪而乃恣意犯
禁舊染之證尚未消退方生之證與日俱積
吾見醫藥將日不暇給而傷敗之胃氣無復
完全之望去死近矣予族叔形色俱實痰癯

又患痢自恃強健能食絕無忌憚一日召予
曰我雖病却健而能食但苦汗出耳汝能止
此汗否予曰痰瘡非汗出不能愈也可慮者
正在健與能食耳此非痢也胃熱善消脾病
不化食積與病勢已甚矣此時節擇飲食以
養胃氣省出入以避風寒候汗透而安叔曰
世俗謂無飽死痢我今能食何謂可慮余曰
痢而能食者知胃氣未病也故言不死非謂
恣食不節擇者不從所言恣口大嚼遇渴又
多啖水果如此者月餘後雖欲求治不可

幸矣淹淹又月餘而死內經以驕恣不倫於
理為不治之病信哉又周其姓者形色俱實
患痢善食而易飢大嚼不擇者五日矣予責
之曰病中當調補自養豈可滋味戕賊遂教
之只用熟蘿蔔喫粥且少與調治半月而安
虛病痰病有似邪祟論

血氣者身之神也神既衰乏邪因而入理或
有之若夫血氣兩虧痰客中焦妨礙升降不
得運用以致十二官各失其職視聽言動皆
有虛妄以邪治之其人必死吁哉冤乎誰執

其督憲幕之子傳兄年十七八時暑月因夫
勞而渴恣飲梅漿又連得大驚三四次妄言
妄見病伴邪鬼診其脉兩手皆虛弦而帶沈
數示曰數為有熱虛弦是大驚又梅酸之藥
鬱於中脫補虛清熱導去痰滯病乃可安遂
與人參白朮陳皮茯苓連等濃煎湯入竹
瀝薑汁與旬日未效衆皆尤藥之不審余脉
之知其虛之未完與痰之未導也仍與前方
入荆瀝又旬日而安外第歲一日醉飽後亂
言妄語妄見詢之係伊七兄附體言生前事

甚的乃叔在邊叱之曰非邪食腥與酒太過
痰所為耳灌鹽湯一大碗吐痰一二升汗因
大作困睡一宵而安又金氏婦年者月赴
筵歸乃姑詢其坐次失序遂赧然自愧因成
此病言語失倫其中又多間一句曰奴奴不
是脉皆數而弦余曰此非邪乃病也但與補
脾清熱導痰數日當自安其家不信遂數至
者噴水而呪之旬餘而死或問曰病非邪而
邪治之何遽至於死余曰暑月赴宴外境蒸
熱辛辣適口內境鬱熱而況舊有積痰加之

愧問其疾與熱何可勝言今乃驚以法尺是
驚其神而血不寧也噴以法水是審其體密
其膚使汗不得泄也汗不泄則蒸熱內燔血
不得寧則陰消而陽不能獨立也不死何俟
或曰外臺祕要有禁呪一科庸可廢乎予曰
移精變氣乃小術耳可治小病若內有虛邪
外有實邪當用正大之法自有成式昭然可
考然符水惟膈上熱痰一甲凉水一熱得之
豈不清快亦可取安若內傷而虛與冬嚴寒
符水下咽必冰胃而致害彼鬱熱在上熱邪

在表須以汗解率得清冷膚腠固密熱行
解必致內攻陰陽離散血氣奔爭夫死為

面鼻得冷則黑論

諸陽聚於頭則面為陽中之陽鼻居面中央
而陽明起於頰中一身之血運到面鼻到面
鼻陽部皆為至清至精之血矣酒性善行而
喜升大熱而有峻急之毒多酒之人酒氣熏
蒸面鼻得酒血為極熱熱血得冷為陰氣所
搏汙濁凝結滯而不行宜其先為紫而後為
黑色也須用融化滯血使之得流滋生新血

可以運化病乃可愈予為酒製四物湯加炒
片茯苓陳皮生甘草酒紅花生薑煎調五靈
脂末飲之氣弱者加酒黃芪無有不應者

胎自墮論

陽施陰化胎孕乃成血氣虛損不足榮養其
胎自墮或勞怒傷情內火便動亦能墮胎推
原其本均因於熱火能消物造化自然病源
乃謂風冷傷於子臟而墮此未得病情者也
予見賈氏婦但有孕至三箇月左右必墮診
其脉左手大而無力重取則瀦知其少血也

以其妙年只補中氣使血自榮時正初夏
以濃煎白朮湯下黃芩末一錢服三四十貼
遂得保全而生因而思之墮於內熱而虛者
於理為多曰熱曰虛當分輕重好生之工幸
毋輕視

難產論

世之難產者往往見於鬱悶安佚之人富貴
奉養之家若貧賤辛苦者無有也方書止有
瘦胎飲一論而其方為湖陽公主作也實非
極至之言何者見有此方其難自若予族妹

苦於難產後遇胎孕則觸而去之余甚憫焉
視其形肥而勤於針指構思旬日忽自悟曰
此正與湖陽公主相反彼奉養之人其氣必
實耗其氣使和平故易產今形肥知其氣虛
久坐知其不運而其氣愈弱久坐胞胎因母
氣不能自運耳當補其母之氣則兒健而易
產今其方孕至五六箇月遂於大全方紫蘇
飲加補氣藥與十數貼因得男而快後遂
以此方隨母之形色性稟參以時令加減與
之無不應者因名其方曰大達全散

難產胞損淋瀝論

常見尿胞因收生者不謹以致破損而得淋
瀝病遂為廢疾一月有徐姓婦壯年得此因
思肌肉破傷在外者且可補完胞雖在腹恐
亦可治遂診其脉虛甚曰難產之由多是氣
虛難產之後血氣尤虛試與峻補因以參朮
為君芎歸為臣桃仁陳皮黃芪茯苓為佐而
煎以猪羊胞中湯極飢時飲之但劑率用一
兩至一月而安蓋是氣血驟長其胞自完恐
稍遲緩亦難成功

胎婦轉胞病論

轉胞病胎婦之稟性弱者憂悶多者性急躁者食味厚者大率有之古方皆用滑利疎導藥鮮有應效因思胞為胎所墮展在一邊胞系了戾不通耳胎若舉起懸在中央胞系得疏水道自行然胎之墜下必有其由一日吳宅寵人患此脉之兩手似瀉重取則弦然左手稍和余曰此得之憂患瀦為血氣多弦為有飲血少則胞弱而不能自舉氣多有飲中焦不清而溢則胞之所遊而就下故墜遂

以四物湯加參朮半夏陳皮生甘草生薑空心飲隨以指探中吐出藥汁俟少頃氣定又與一貼次早亦然如是與八貼而安此法未為的確恐偶中耳後又歷用數人亦效未知果如何耶仲景云婦人本肥盛且舉自滿全羸瘦且舉空減胞系了戾亦致胞轉其義未詳必有能知之者

乳硬論

乳房陽明所經乳頭厥陰所屬乳子之母不知調養恣恣所逆鬱悶所遏厚味所醱以致

厥陰之氣不行故竅不得通而汗不得出陽
明之血沸騰故熱甚而化膿亦有所乳之子
膈有滯痰口氣焮熱含乳而睡熱氣所吹遂
生結核於初起時便須忍痛揉令稍軟吮令
汁透自可消散失此不治必成癰癤治法踈
厥陰之滯以青皮清陽明之熱細研石膏行
汗濁之血以生甘草之節消腫導毒以瓜蒌
子或加沒藥青橘葉皂角刺金銀花芫歸或
湯或散或加減隨意消息然須以少酒佐之
若加以艾火兩三壯於腫處其效尤捷彼封

工喜於自術便用針刀引惹拙病良可哀憫
若夫不得於夫不得於舅姑憂怒鬱悶斯夕
積累脾氣消阻肝氣橫逆遂成隱核如大棗
子不痛不痒數十年後方為瘡陷名曰妳若
以其瘡形嵌凹似岩穴也不可治矣若於始
生之際便能消釋病根使心清神安然後施
之以治法亦有可安之理予族姪婦年十八
時曾得此病察其形脉稍實但性急躁伉儷
自諧所難者後姑耳遂以本草單方青皮湯
間以加減四物湯行以經絡之劑兩月而安

受胎論

成胎以精血之後先分男女者褚澄之論愚
切惑焉後閱李東垣之方有曰經水斷後一
二日血海始淨精勝其血感者成男四五日
後血脈已旺精不勝血感者成女此確論也
易曰乾道成男坤道成女夫乾坤陰陽之情
性也左右陰陽之道路也男女陰陽之儀象
也父精母血因感而會精之施也血能攝精
成其子此萬物資始於乾元也血成其胞此
萬物資生於坤元也陰陽交媾胎孕乃凝所

藏之處名曰子宮一系在下上有兩歧一連
於左一連於右精勝其血則陽為之主受氣
於左子宮而男形成精不勝血則陰為之主
受氣於右子宮而女形成或曰分男分女之
知之矣男不可為父女不可為母與男女之
兼形者又若何而分之耶余曰男不可為父
得陽氣之虧者也女不可為母得陰氣之塞
者也兼形者由陰為駁氣所乘而成其類不
一以女函男有二一一則遇男為妻遇女為夫
一則可妻而不可夫其有女具男之全者此

又駁之甚者或曰駁氣所乘獨見於陰而所乘之形又若是之不同耶予曰陰體虛駁氣易於乘也駁氣所乘陰陽相混無所為主不可屬左不可屬右受氣於兩歧之間隨所得駁氣之輕重而成形故所兼之形有不可得而同也

人迎氣口論

六陽六陰脉分屬左右手心小腸肝膽腎膀胱在左主血肺大腸脾胃命門三焦在右主氣男以氣成胎故氣為之主女以血成胎故

血為之主若男子久病氣口虛於人迎者有胃氣也病雖重可治女子久病人迎充於氣口者有胃氣也病雖重可治及此者迎或曰人迎在左氣口在右男女所同不易之位也脉法讚曰左大順男右大順女何子言之悖耶曰脉經一部王叔和諄諄於教醫者此左右手以醫者為主而言若主於病者莫止千里之謬

春宣論

春蠶也陽氣升浮草木萌芽蠢然而動前哲

謂春時人氣在頭有病宜吐又曰傷寒大法
春宜吐宣之為言揚也謂吐之法自上出也
今之世俗往往有瘡瘍者膈滿者蟲積者以
為不於春時宣瀉以毒藥不可愈也醫者遂
用牽牛已豆大黃枳殼防風輩為丸名之曰
春宣凡於二月三月服之得下利而止於初
瀉之時臟腑得通時暫輕快殊不知氣升在
上則在下之陰甚弱而用利藥戕賊其陰其
害何可勝言況仲景用承氣湯等下藥必有
大滿大實堅有燥屎轉失氣下逼迫而無表

證者方行此法可下之證未悉具猶須遲以
待之泄利之藥其可輕試也余伯考形肥骨
瘦味厚性沈五十歲輕於聽信忽於二月半
贖春宣丸一貼服之下兩三行每年率以為
常至五十三歲時七月初炎熱之甚無病暴
死此豈非妄認春宣為春瀉而致禍耶自上
召下曰宣宣之一字吐也明矣張子和先生
已詳論之昔賢豈妄言哉詳之審訂無疑後
之死者又有數人愚故表而出之以為後人
之戒

醇酒宜飲論

醇酒之性大熱有大毒清香美味既適於口
行氣和血亦宜於體由是飲者不自覺其過
於多也不思肺屬金性畏火其體脆其位高
為氣之主腎之母木之夫酒下咽膈肺先受
之若是醇者理宜冷飲過於肺入於胃然後
漸溫肺先得溫中之寒可以補氣一益也次
得寒中之溫可以養胃二益也冷酒行遲傳
化以漸不可恣飲三益也古人終日嘗拜不
過三爵既無酒病亦免酒禍今余稽之於禮

經則曰飲齊視冬時飲齊酒也視猶比也
時寒也叅之內經則曰熱因寒用厥者深矣
今則不然不顧受傷只圖取快蓋熱飲有三
樂存焉膈滯通快喉舌辛美盃行可多不知
酒性喜升氣必隨之痰鬱於上潮濕於下肺
受賊邪全體必燥恣飲寒涼其熱內鬱肺氣
得熱必大傷耗其始也病淺或嘔吐或自汗
或瘡癩或鼻查或自泄或心脾痛尚可發散
而去之若其久也為病深矣為消為渴為內
疸為肺痿為內痔為鼓脹為失明為喘哮為

勞教為癩癩亦為難明之病倘非具眼未易
處治可不謹乎或曰人言一盞冷酒須二盞
血乃得行酒不可冷飲明矣余曰此齊東之
語耳今叅之於經證之以理發之為規戒子
以為迂耶

癩疽當分經終論

六陽經六陰經之分布周身有多氣少血者
有少氣多血者有多氣多血者不可一以論
也若夫要害處近虛怯薄處前營已曾論及
惟分經之言未聞也何則諸經惟少陽厥陰

經之生癩疽理宜預防以其多氣少血其血
本少肌肉難長瘡久未合必成死證其有不
思本經少血遽用驅毒利其以伐其陰分之
血禍不旋踵矣請述一二成敗之迹以告來
者余從叔父平生多慮質弱神勞年近五十
忽左膊外側廉上起一小紅腫大約如粟子
視之曰慎勿輕視且生與人參大料作湯得
二三片為好人未之信謾進小貼數服未解
而止旬餘值大風拔木瘡上起一道紅如線
繞至背脾直抵右肋予曰必大料人參少加

當歸川芎陳皮白朮等補劑與之後與此方
兩閱月而安又東陽李兄年踰三十形瘦膚
厚連得憂患又因作勞且過於色忽左腿外
側廉上一紅腫其大如栗一醫問其大腑堅
實與衆氣兩貼下之不效又一醫教與大黃
硃砂生熟草麒麟竭又二三貼半月後召予
視之曰事去矣又一李兄年四十餘而面緋
白神甚勞忽脇下生一紅腫如桃十人教用
補劑衆笑且排於其是流氣散十宣散雜而塗
之旬餘召予視之予曰非惟不與補藥抑且
多得解利血氣俱憊矣已而果然或曰太
經非多血少氣者乎何腎虛之生初無甚苦
往往間有不救者吾子其能治之乎予曰腎
居小腹之後而又在其下此陰中之陰也其
道遠其位僻雖曰名血氣運不到氣既不到
血亦罕矣中年之後不可生癰纔有痛腫參
之脉證但見虛弱便與滋補血氣無虧可保
終言若用尋常驅熱拔毒瀉氣之藥虛虛之
禍如指諸掌

脾約丸論

成無已曰約者結約之約又約束之約胃強
脾弱約束津液不得四布但輸膀胱故小便
數而大便硬故曰脾約與此丸以下脾之結
燥腸潤結化津流入胃大便利小便少而愈
矣愚切有疑焉何者既曰約脾弱不能運也
脾弱則土虧矣必脾氣之散脾血之耗也原
其所由之病大下大汗之後陰血枯竭內火
燔灼熱傷元氣又傷於脾而成此證傷元氣
者肺金受火氣無所攝傷脾者肺為脾之子
肺耗則液竭必竊母氣以自救金耗則木寒

于畏土欲不傷不可得也脾失轉輸之令肝
失傳送之官宜大便秘而難下小便數而無
藏蓄也理宜滋養陰血使孤陽之火不熾而
金行清化木邪有制脾土清健而運行精液
乃能入胃則腸潤而通矣今以大黃為君枳
實厚朴為臣雖有芍藥之養血麻仁杏仁之
溫潤為之佐使用之熱甚而氣實者無有不
安愚恐西北二方地氣高厚人稟壯實者可
用若用於東南之人與熱雖盛而血氣不實
者雖得暫通將見脾愈弱而腸愈燥矣後之

欲用此方者須知在西北以開結為主在東
南以潤燥為主慎勿膠柱而調瑟

鼓脹論

心肺陽也居上肝腎陰也居下脾居中亦陰
也屬土經曰飲食入胃游溢精氣上輸於脾
脾氣散精上歸於肺通調水道下輸膀胱水
精四布五經並行是脾具坤靜之德而有乾
健之運故能使心肺之陽降腎肝之陰升而
成天地交之泰是為無病之久今也七情內
傷六淫外侵飲食不節房勞致虛脾土之

受傷轉輸之官失職胃雖受穀不能運化故
陽自升陰自降而成天地不交之否於斯時
也清濁相混隨道壅塞氣化濁血凝滯而為
熱熱留而久氣化成濕濕熱相生遂成脹滿
經曰鼓脹是也以其外雖堅滿中實無物有
似於鼓其病膠固難以治療又名曰蠱若蠱
侵蝕有蠱之義驗之治法理宜補脾又須養
肺金以制木使脾無賊邪之慮滋腎水以制
火使肺得清化之令却鹽味以防助邪斷妄
想以保母氣無有不安醫不容病起於虛急

於作效術能者賞病者苦於脹急喜行利藥
以求一時之快不知寬得一日半日其腫愈
甚病邪甚矣真氣傷矣去死不遠古方惟為
餘糧丸又名石中黃丸又名紫金丸制肝補
脾殊為切當亦須隨證亦須順時加減用之
余友俞仁叔儒而醫連得家難年五十得此
疾自制為餘糧丸服之予診其脉弦濡而數
曰此丸新製煅煉之火邪尚存溫熱之藥太
多宜自加減不可執方俞笑曰今人不及古
人此方不可加減服之二月口鼻見血色骨

立而死又楊兄年近五十性嗜好酒病癯年
年患脹病自察必死來求治診其脉弦而濡
重則大瘥未愈手足瘦而肢大如蜘蛛狀予
教以參朮為君當歸川芎芍藥為臣黃連陳
皮茯苓厚朴為佐生甘草些少作滯物飲之
一日定三次彼亦嚴守戒忌一月後瘥因汗
而愈又半年小便長而脹愈中間雖稍有加
減大意只是補氣行濕又陳氏年四十餘性
嗜酒大便時見血於春間患脹色黑而腹大
其形如鬼診其脉數而濡重似弱予以四物

湯加黃連黃芩木通白朮陳皮厚朴生甘草
作湯與之近一年而安一補氣一補血餘藥
大率相出入皆獲安以保天壽或曰氣無補
法何子補氣而獲安果有說以通之乎予曰
氣無補法世俗之言也以氣之為病痞悶壅
塞似難於補恐增病勢不思正氣虛者不能
運行邪滯所著而不出所以為病經曰壯者
氣行則愈怯者者而成病苟或氣怯不用補
法氣何由行或曰予之藥審則審矣何效之
遲也病者久在牀枕必將厭予之迂而求速
效者矣予曰此病之起或三五年或十年
根深矣勢篤矣欲求速效自求禍耳知王道
者能治此病也或曰脹病將終不可與利藥
耶予曰灼知其不因於虛受病亦淺脾胃尚
壯積滯不痼而又有可下之經亦宜略與疏
導若投張子和濬川散禹功丸為例行迅攻
之策實所不敢

疝氣論

疝氣之甚者畢丸連小腹急痛也有痛在畢
丸者有痛在五樞穴邊者皆足厥陰之經也

或有形或無形或有聲或無聲有形如瓜有聲如蟬自素問以下歷代名醫皆以為寒蓋寒主收引經絡得寒故引不行所以作痛理固然也有得寒而無疝者又必有說以通之可也予嘗屢因門戶雪上有霜設臍之水踢水徒涉不曾病此以予素無熱在內也因而思之此證始於濕熱在經鬱而至久又得寒氣外束濕熱之邪不得疏泄所以作痛若只作寒論恐為未備或曰厥陰一經其道遠其小卑鬱積濕熱何由而致予曰大勞則火起

於筋醉飽則火起於胃房勞則火起於腎大怒則火起於肝本經火積之久母能生子虛濕氣便盛厥陰屬木係於心為將軍之官其性急速火性又暴為寒所束宜其痛之大暴也愚見有用烏頭枳子等分作湯用之其效亦敏後因此方隨證與形加減用之無不應然濕熱又須分多少而始治但濕者腫多癩病是也又有扶虛而發者當以參朮為用而以疏導藥佐之於其脈有甚沈緊而大豁無力者是也其痛亦輕惟覺重墜牽引耳

素桂丸論

無子之因多起於婦人醫者不求其因起於
何處適閱古方惟素桂丸其辭確其意專用
熱溫熱近乎人情於然授之銳然服之甘受
燔灼之禍猶且惜然不悔何者陽精之施也
陰血能攝之精成其子血成其胞胎孕乃成
今婦人之無子者率由血少不足以攝精也
血之少也固非一端然欲得子者必須補其
陰血使無虧欠乃可推其有餘以成胎孕何
乃輕用熱劑煎熬臟腑血氣沸騰禍不旋踵

矣或曰春氣溫和則萬物發生冬氣寒

萬物消殞非素桂丸之溫熱何由得子

暖而成胎耶予曰詩言婦人和平則樂有子

和則氣血不乖平則陰陽不爭今得此藥經

血轉紫黑漸成衰少或流或後始則飲食

進久則口苦而乾陰陽不平血氣不和疾病

蜂起焉能成胎縱使成胎生子亦多病而不

壽以素桂丸之耗損天真之陰也戒之慎之

鄭庶使之子年十六求醫曰我生七箇月患

淋病五日七日必一發其發也大痛捫地叫

天水道方行狀如漆和粟者約一盞許然後
定診其脉輕則瀋重則弦視其形瘦而稍長
其色青而蒼意其必因多服下部藥遺熱
在胎留於子之命門而然遂以薑雪和黃藥
細末丸梧子大晒十分乾而與二百丸作一
服經二時又與三百丸作一服率以熱湯下
以食物壓之又經半日痛大作連腰腹水道
乃行下如澀和粟者一大碗許其病減十分
之八後張子中以陳皮一兩桔梗木通各半
兩作一貼與之又下漆粟者一合許遂安父

得燥熱且能病子況母得之者乎余書此以
證東垣紅絲瘤之事

惡寒非寒病惡熱非熱病論

經曰惡寒戰慄皆屬於熱又曰禁慄如喪神
守皆屬於火惡寒者雖當灸用若遇風霜重
綿在身白覺凜凜戰慄禁慄動搖之貌如喪
神守惡寒之甚原病式曰病熱甚而反覺自
冷此為病熱實非寒也或曰往往見有得熱
藥而少愈者何也予曰病熱之人其氣炎上
鬱為痰飲抑遏清道陰氣不升病熱尤甚積

痰得熱亦為著濕熱助邪其病益深或曰
寒勢如此誰敢以寒涼與之非殺之而何予
曰古人遇戰慄之熱有以大承氣下燥糞而
愈者惡寒戰慄明是熱證但有虛實之分耳
經曰陰虛則發熱夫陽在外為陰之衛陰在
內為陽之守精神外馳嗜慾無節陰氣耗散
陽無所附遂致浮散於肌表之間而惡熱也
實非有熱當作陰虛治之而用補養之法可
也或曰惡寒非寒宜用寒藥惡熱非熱宜用
補藥甚駭耳目明示我之法可乎予曰進士

周本道年踰三十尚惡寒病服附子數日而
病甚求予治診其得弦而信緩予以江茶入
薑汁香油些少吐痰一升許減綿太半周甚
喜予曰未也燥熱已多血傷亦深須淡食以
養胃內觀以養神則水可生而火可降彼勇
於仕進一切務外不守禁忌予曰若多與補
血涼藥亦可稍安內外不靜腎水不生附毒
心發病安後官於婺城迺夜冒寒非附子不
可療而性怕生薑只得以猪腰子作片煮附
子與三貼而安予曰可急歸知其附毒易發

彼以為迂半年後果發背而死又司老叔平生脚自蹠以下常覺熱冬不可加綿於上常自言曰我稟質壯不怕冷予曰此足三陰之虛宜早斷欲事以補養陰血庶乎可免矣而不答年方五十患痿半年而死觀此二人治法蓋可知矣或曰傷寒病惡寒惡熱者亦是虛耶予曰若病傷寒者自外入內先賢論之詳矣愚竊庸贅

經水或紫或黑論
經水者陰血也陰必從陽故其色紅稟火色

也血為氣之配氣熱則熱氣寒則寒氣升則升氣降則降氣凝則凝氣滯則滯氣清則清氣濁則濁往往見有成塊者氣之凝也將行而痛者氣之滯也來後作痛者氣血俱虛也色淡者亦虛也錯經妄行者氣之亂也紫者氣之熱也黑者熱之甚也人但見其紫者黑者作痛者成塊者率指為風冷而行溫熱之劑禍不旋踵矣良由病源論月水諸病皆曰風冷乘之宜其相習而成俗也或曰黑北方水之色也紫淡於黑非冷而何予曰經曰亢

則害承乃制熱甚者必兼水化所以熱則紫甚則黑也况婦人性執而見鄙嗜欲加倍臟腑厥陽之火無日不起非熱而何若夫風冷必須外得設或有之蓋千百而一二者也

石膏論

本草藥之命名固方不可曉者中間亦多有意義學者不可以不察以色而名者大黃紅花白前青黛烏梅之類是也以形而名者人參狗脊烏頭貝母金鈴子之類是也以氣而名者木香沉香檀香麝香茴香之類是也以

質而名者厚朴乾薑茯苓生熟地黃之類是也以味而名者甘草苦參淡竹葉草龍膽苦酒之類是也以能而名者白合當歸升麻防風滑石之類是也以時而名者半夏茵陳冬葵寅雞夏枯草之類是也以石膏火煨細研醋調封丹爐其固密甚於脂苟非有膏焉能為用此兼質與能而得名正與石脂同意聞尋忠妾以方解石為石膏况石膏其味甘而辛本陽明經藥陽明主肌肉其甘也能緩脾益氣止渴去火其辛也能解肌出汗上行至

頭又入手太陰于少陽彼方解石者止有體
重質堅性寒而已求其所謂有膏而可為三
經之主治者焉在哉醫者責效不亦難乎
脉大必病連論
脉血之所為屬陰大洪之別名火之象屬陽
其病得之於內傷者陰虛為陽所乘故脉大
當作虛治之其病得之於外傷者邪客於經
脉亦大當作邪勝治之合一者而觀之皆病
證方長之勢也謂之病進亦亦宜乎海藏云
君侵臣之事也孰為是是否幸有以教之

生氣通天論病因章句辨

禮記曰一年視離經謂離析經理在乎章句
之絕內經生氣通天論病曰四章第一章論
因於寒欲如運樞以下三句與上文意不相
屬皆衍文也體若燔炭汗出而散既句當移
在此夫寒邪初客於肌表邪鬱而為熱有似
燔炭得汗則解此作景麻黃湯之類是也第
二章論因於暑暑者君火為病火主動則散
故自汗煩渴而多言也第三章論因於濕濕
者土濁之氣首為諸陽之會其位高而氣清

其體虛故聰明得而條焉濁氣熏蒸清道不
通沈重而不爽利似乎有物以蒙冒之矣而
不治濕鬱為熱熱白不去大筋綆短者熱傷
血不能養筋故為拘攣小筋弛長者濕傷筋
不能束骨故為痿弱因於濕首如裹各三字
為句濕熱不攘以下各四字為句文正而意
明第四章論因於氣為腫下文不序病證蓋
是脫簡四維相代二句與上文意不相屬亦
衍文也王太僕曰暑熱濕氣三病皆以為發
於傷寒之毒次第相仍展轉生病五段通為

章余有疑焉暑病不治伏而生熱熱久生
濕濕又氣病蓋有之矣內經止有冬傷於寒
不即病至夏有熱病之言未聞寒毒伏藏至
夏發於吳病至於濕病亦蒙上文之熱謂反
濕其首望濕物裹之望除其熱當以因於濕
首為句如果濕又為句則濕首之濕裹濕之
濕皆人為也與上文列言寒暑之病因文
義舛乖不容於不辯或曰先賢言溫濕寒濕
風濕矣未聞有所謂濕熱病者攷之內經亦
無有焉吾子無乃失之過矣耶子曰六氣之

中濕熱為病十居八九內經發明濕熱此為
首出至真大要論曰濕上甚而熱其間或言
濕而熱在中者或曰熱而濕在中者此聖人
愛人論道之極致使天下後世不知濕熱之
治法者太僕啓之也君其歸取原病式熱諸
而審思之幸甚

太僕章句

因於寒欲如運樞起居如瀉神氣乃浮
因於暑汗煩則喘喝靜則多言體若燔炭汗
出而散

因於濕首句如暴濕句熱不搏入大筋綆短
小筋弛長綆短為拘弛長為痿
因於氣為腫云云

新定章句

因於寒體若燔炭汗出而散
因於暑汗煩則喘喝靜則多言
因於濕句首如暴七濕熱不搏句大筋綆短
小筋弛長綆短為拘弛長為痿
因於氣為腫云云

倒倉論

經曰腸胃為市以其無物不有而穀為最多
故謂之倉若積穀之室也倒者傾去積蓄而
滌濯使之潔淨也胃居中屬土喜容受而不
能自運者也人之飲食遇適口之物寧無過
量而傷積之乎七情之偏五味之厚寧無傷
於沖和之德乎糟粕之餘停痰瘀血互相糾
纏日積月深鬱結成聚甚者如核桃之穰諸
般奇形之蟲中宮不清矣土德不和矣誠於
中形於外發為癰疽為勞瘵為蠱脹為癩疥
為無名奇病先哲製為萬病丸溫白丸等劑

攻補兼施寒熱並用期中病情非不工巧
不若倒倉之為便捷也以黃牡牛擇肥者
一二十斤長流水煮糜爛融入湯中為液以
布濾出在滓取淨汁再入鍋中文火熬成琥珀
色則成矣每飲一鐘少時又飲如此者積
數十鐘寒月則重湯溫而飲之病在上者欲
其吐多病在下者欲其利多病在中者欲其
吐下俱多全在活法而為之緩急多寡也須
先置一室明快而不可通者以安病人視所出
之物可盡病根則止吐利後或渴不得與湯

其小便必長取以飲病者名曰輪迴酒與一
二碗非惟可以止渴抑且可以滌濯餘垢
一二日覺飢甚乃只粥淡食之待三日後始
與少菜羹自養半月覺精神煥發形體輕健
沈痾悉安矣其後漢五年忌牛肉吾師許文
懿始病心痛用藥燥熱香辛如丁香桂姜輩
治數十年而足掣痛甚且惡寒而多嘔甚而
至於靈砂黑錫黃芽歲丹繼之以艾火十餘
萬又雜治數年而病甚自分為廢人矣衆
亦技窮矣如此者又數年因其煩渴惡食者

一月以通聖散與半月餘而大疔逼迫後重
肛門熱氣如燒始時下積滯如五色爛錦首
如紅燭油痰者坊半月而病似退又半月而
略思穀而兩足難移計無所出至次年三月
遂作此法節節如應因得為全人以年再得
一男又十四年以壽終其餘與藥一婦人久
年脚氣吐利而安又鎮海萬戶蕭伯善公以
便濁而精不禁親與試之有效又臨海林兄
患又嗽吐紅發熱消瘦眾以為察百方不應
召予視之脉兩手弦數日輕夜重計無所出

亦因此而安時冬月也第三年得一子牛坤
土也黃土之色也以順為德而效法乎健以
為功者牡之用也肉者胃之樂也熟而為液
無形之物也橫散入肉絡由腸胃而滲透肌
膚毛竅爪甲無不入也積聚久則形質成依
附腸胃回薄曲折以為柶泊之窠曰阻礙
津液氣血薰蒸燔灼成病自非剖腸刮骨之
神妙孰能去之又豈合勾銖兩之丸散所能
竅犯其藩墻戶牖乎竊詳肉液之散溢腸胃
受之其厚皆倍於前有似乎腫真回薄曲折

處非復向時之舊肉液充滿流行有如洪水
泛漲其浮莖陳朽者推逐蕩漾順流而下
可停留表者因吐而汗消逆者自吐而涌濁
道者自泄而去先屬滯礙一洗而定牛肉全
重厚和順之性空然澆然潤澤枯槁益虛
損寧無精神渙發之樂乎正似武王克商之
後散財發粟以賑民之仰望也其方出於
西域之異人人於中年後亦行一二次亦卻
疾養壽之一助也

相火論

太極動而生陽靜而生陰陽動而變陰靜而
合而生木火木金土各一其性惟火有二曰
君火人火也曰相火天火也火內陰而外陽
主乎動者也故凡動皆屬火以名而言形氣
相生配於五行故謂之君以位而言生於虛
無守位稟命因其動而可見故謂之相天主
生物故恒於動人有此生亦恒於動其所以
恒於動皆相火之為也其於天者出於龍雷
則木之氣出於海則水之氣也其於人者出
於肝腎二部肝屬木而腎屬水也膽者肝之

肝勝肺若腎之肺心胞絡者腎之配三焦以
焦言而下焦司肝可之分皆陰而下者也火
非此火不能生物人非此火不能有生天之
火雖出於下而守本乎地故雷非伏龍非蟄
海非附於地則不於鳴不能飛不能波也鳴
也飛也波也動而為火者也肝腎之陰悉具
相火人而司乎天也或曰相火天人之所同
河東垣以為元氣之賊又曰火與元氣不兩
立一勝則一負然則如之何而可以使之無
勝負也曰君子曰神農知矣五性感物而萬

事出有因之復元者之性為物所感不能不
動謂之動者與內經五火也相火易起五性
厥陽之火相燄則其動矣火起於妄變化莫
測無時不有煎熟真陰陰虛則病陰絕則死
君火之氣經以暑與濕言之相火之氣經以
火言之蓋表其暴悍酷烈有甚於君火者也
故曰相火元氣之賊周子又曰聖人定之以
中正仁義而主靜朱子曰必使道心常為一
身之主而人心每聽命焉此善處乎火者人
心聽命乎道心而又能定之以靜然主火之

動皆中節相火惟有裨補造化以為生生不
息之運用耳何賊之有或曰內經相火注曰
少陰少陽未嘗言及厥陰太陽而吾子言
之何邪曰足太陽少陰東垣嘗言之矣治以
火藥取其味辛能瀉水中之火是也蓋人亦
言膽與三焦尋火治肝和胞絡都無異此歷
指龍雷之火也予亦備述天人之火皆生於
動如上文所云者實推廣二公之意或曰內
經言火不一往往於六氣見之言臟腑者未
之見也二公豈有所據耶子能為我言之

乎經曰百病皆生於風寒暑濕燥火之動而
為變者岐伯歷舉病機一十九條而屬火者
五此非相火之為病之出於臟腑者乎攷諸
內經少陽病為瘧疾太陽病時眩仆少陰病
瞽暴瘖鬱冒不知人非諸熱瞽瘵之屬火乎
少陽病惡寒鼓慄瞻病振寒少陰病洒淅惡
寒振慄厥陰病洒淅振寒非諸禁鼓慄如喪
神守之屬火乎少陽病嘔逆取氣上行膀胱
病衍頭痛太陽病厥氣上衝胃小腹控臑引
脛脊上衝心少陰病氣上衝胃區逆非諸逆

衝上之屬火乎少陽病譫妄太陽病譫妄
脫病狂顛非諸躁狂越之屬火乎少陽病附
腫善驚少陰病腎熱以酸附腫不能久立非
諸病附腫疼酸驚駭之屬火乎又原病式曰
諸風掉眩屬於肝火之動也諸氣臍鬱病痿
屬於肺火之升也諸濕腫滿屬於脾火之騰
也諸痛痒瘡瘍屬於心火之用也是皆火之
為病出於臟腑者然也注文未之發耳以陳
無擇之通敏且以暖熾論君火日用之火言
相火而又不曾深及宜乎後之人不無聾瞽

也悲夫

左大順男右大順女論

肺主氣其脉居右寸脾胃命門三焦各以氣為變化運用故皆附焉心主血其脉居左寸肝膽腎膀胱皆精血之隧道筦庫故亦附焉男以氣成胎則氣為之主女以血成胎則血為之主男子久病右脉克於左者有胃氣也病雖重可治女子久病左脉克於右者有胃氣也病雖重可治又此者虛之甚也或曰三心小腸肝膽腎膀胱右肺大腸胃命門三

焦男女所同不易之位也脉法共曰左大順男右大順女吾子之言非惟左右例置似以大為克果有說以通之乎曰以本病脉也今以大為順蓋有充足之義故敢以克言之脉經一部諄諄於教為醫者爾此左右當以醫者為言若主於病矣止於千里之謬或曰上文言肝心出左脾肺出右左主司官右主司府下文言左為人迎右為氣口皆以病人之左右而為言何若是之相及耶曰脉經第九篇之第五章上文大浮數動長滑沈瀦弱弦

短微此言形狀之陰陽下文關前關後等語
又言部位之陰陽陰附陽陽附陰皆言血氣
之陰陽同為論脉之陰陽而所不同若此
上下異文何足疑乎讚曰陰病治官非治血
乎陽病治府非治氣乎由此參考或恐於經
意有合

茹淡論

或問內經謂精不足者補之以未又曰地食
人以五味古者年五十食肉字今年邁老
矣盡卻鹽醢豈中道乎何字之神茂而色澤

也曰味有出於天賦者有成於人為者天之
所賦者若穀菽菜果自然冲和之味有食人
補陰之功此內經所謂味也人之所為者皆
烹飪調和偏厚之味有致疾伐命之毒此吾
子所疑之味也今鹽醢之卻非其茹淡者大
麥與粟之鹹粳米山藥之甘葱薤之辛之類
皆味也子以為淡乎安於冲和之味者心之
救火之降也以偏厚之味為安者欲之縱火
之勝也何疑之有內經又曰陰之所生本在
五味非天賦之味乎陰之五官傷在五味非

人為之味乎聖人防民之具於是為備凡人
飢則必食彼粳米甘而淡者土之德也物之
屬陰而最補者也唯可與菜同進經以菜為
充者恐於飢時頓食或慮過多因致胃損故
以菜助其充足取其疏通而易化此天地生
物之仁也論語曰肉雖多不使勝食氣傳曰
賓主終日百拜而酒三行以避酒禍此聖人
施教之意也蓋穀與肥鮮同進厚味衣穀為
以其積老也久寧不助陰火而致毒乎故服
食象在卻穀者則可不卻穀而服食人有不

似其毒者內經謂久而增氣物化之氣增
而久夫之由也彼安於厚味者未之思爾或
又問精不足者補之以味何不言氣補曰水
陰也氣陽也補精以陰求其本也故補之以
味若甘草白朮地黃澤瀉五味子天門冬之
類皆味之厚者也經曰虛者補之正此意也
上文謂形不足者溫之以氣夫為勞倦所傷
氣之虛故不足溫者養也溫者以養使氣自
充氣完則形完矣故言溫不言補經曰勞者
溫之正此意也彼為高方者不知出此凡諸

虛損證悉以溫熱佐補藥名之曰溫補
能求經旨者也

吃逆論

吃病氣逆也氣自膈下直衝上出於口而作
聲之名也書曰火炎上內然曰謀逆衝一皆
屬於火東垣謂火與元氣不兩立又謂火氣
之賊也古方悉以胃弱言之而不及火且以
丁香柿蒂竹茹陳皮等劑治之未審孰為降
火孰為補虛人之陰氣依胃為養胃土傷於
則木氣侮之矣此土敗木賊也陰為人所乘

不得內守木挾相火乘之故直衝清道而上
言胃弱者陰弱也虛之甚也病人見此似為
死證然亦有實者不可不知故陳其說於
道年近五十質弱而多愁七月炎暑大飢索
飯其家不能急具因大怒兩日後得瀉下病
口渴自以冷水調生蜜飲之甚快滯下漸
緩如此者五七日召予視脈稍大不數遂令
止蜜水渴時但令以人參白朮煎湯調益元
散與之滯下亦漸緩七八日後覺倦甚發吃
予知其因下火而法之也人其守前藥然滯

下尚未止又以煉蜜食之如此者三日吃猶
未止衆皆尤藥之未當將以薑附散之子曰
補藥無速效附子非補陰者服之必死家曰
冷水飯多得無寒乎予曰炎暑如此飲涼非
寒勿多疑待以日數力到當自止又四日而
吃止滯下亦安又陳擇仁年近七十厚味之
人也有一喘病而作止不常新秋忘滯下食
大減至五七日後吃作石予視涼皆大寒
以為難予曰形瘦者尚可為以人參白朮湯
下大補丸以補血至七日而安此二人者虛

為也又一女子年踰笄性躁不厚其月因
大怒而吃作每作則舉身跳動神昏不知人
問之乃知暴病視其形氣似實遂以人參蘆
煎湯飲一椀大上頑痰數椀大汗昏睡一日
而安人參入手太陰補陽中之陰者也蘆則
反爾大瀉太陰之陽女子暴怒氣上肝上怒
肺主氣經曰怒則氣逆氣因怒逆肝木乘火
侮肺故吃大作而神昏參蘆喜吐痰盡氣降
而火衰金氣復位胃氣得平而解麻黃發汗
節能止汗穀屬金燥之性熱麥屬陽熤之性

源先儒謂物物具之此學者其可不觸類而長引而伸之乎

房中補益論

或問千金方有房中補益法可用否予應之曰傳曰古凶悔吝生于身世人之疾病亦生于動其重之極也病而死矣人之有生心為火居上腎為水居下水能升而火能降一升一降無有窮已故生意存焉水之體靜火之體動動易而靜難至人於此未嘗忘言也儒者立教曰正心收心養心皆所以防此火之

動於妄也醫者立教恬澹虛無精神守亦所以遏此火之動於妄也蓋相火藏於肝腎陰分君火下宅動相火惟有以宗命守位而已焉有燔灼之虞豈飛走之狂勢也哉易究取象於少女兌說也過少男艮為成成無心之感也艮止也房中之法有以止之義焉古艮而不止徒有成敗何補益之有竊詳千金之意彼壯年貪縱者水之體非向之靜也故若房中之法為補益之助之可用於質壯心靜遇敵不動之人也可無聖賢之心神也

骨未易為也。女法水，方法火。水能制火，一藥於與一藥於取此自然之一也。若以房中為補殺人多矣。況中古以下，猶寄心日薄說，夢向癡難矣哉。

天氣屬金說

邵子曰：天依地，地依天，天地自相依附。內經曰：大氣舉之也。夫自清濁肇分，天以氣運於外，而攝水地以形居中，而浮於水者，也是氣也。即天之謂也。自其無極者觀之，故曰：大氣至清，至剛，至健，屬乎金者也。非至剛不能攝。

此水非至健不能運行無息，以奉地之重。至清其剛健不能長上古而不老，或曰：子以天氣為屬金者，固易卦取象之義。何至遂以屬金言之乎？善言天者，必有證於人。善言大者，必有譬於小。願明以告我曰：天生萬物，人為貴。人形象天，可以取譬。帝主氣外，應皮毛。內經謂陽為外衛，其皮毛乎？比天之象也。其包裹骨肉腑臟於其中，比地之象也。血行於皮裏，肉腠晝夜周流無端，比水之象也。合三者而觀，非水浮地，天輔水，地懸於中乎？聖人

作易取金為氣之家厥有旨哉

張子和攻擊注論

愚閱張子和書惟務攻擊其意以為正氣不能自病因為邪所客所以為病也邪去正氣自安因病有在上在中在下深淺之不同立為汗吐下三法以攻之初看其書將謂醫之法盡於是矣後用思內經有謂之虛者精氣虛也謂之實者邪氣實也天邪所客必用正氣之虛然後邪得而客之苟正氣實邪無自入之理由是於子和之法不能不致疑於其

間又思內經有言陰平陽秘精神乃治陰陽離決精氣乃絕又心仲景有言病當汗解診其尺脈滿者與黃芪建中湯補之然後汗之於是以及子和之書非子和之禁也馳名中土其法必有過於明醫者何其書之所言與內經仲景之意若異之不同也於是決意於得名師以為之依歸及其弟塞遂遊江湖但聞某處有某治醫便往拜而問之適經數郡無一人焉後列定城始得原六式東垣方藥乃幸悟子和之益浪然於未得的然之議論將

謂江浙間無不為師者泰定乙丑夏始得聞
羅太無於陳廷若之言遂一拜之蒙叱罵者
五七次越越三閱月始得接見觀羅先生
治一病僧黃瘦倦怠羅公詢其病曰乃蜀人
出家時其母在堂及遊浙六經七年忽一日
念母之心不可遏欲歸無腰錢統爾朝夕西
望而泣以是得病時年二十五歲羅令其隔
壁泊宿每日以牛肉猪肚牛肚等煮糜爛其
之凡經半月餘且時以慰諭之言勞之又曰
我與鈔十錠作路費我不望報但欲救汝之

聖命爾察其形稍甦與尔仁承氣一三貼
下之皆足血塊痰積方止次日尺與熱藥稀
粥將息又半日其人遂如故以半月餘藥
十錠遂行因大悟攻癥之法於其人充實稟
質本壯子可行也否則邪去而正氣傷小病
必重重重病必死羅每日有六醫者求必小其
診視脉狀回稟羅上卧瘧口吐用某藥治某
病以某藥益某藥以某藥益亦至壯來一年
半並無一穴之方至於一之中自有攻補
兼用者亦有先攻後補者有先補後攻者又

大得古方治今病為合時取中其此
之謂乎是許羅又言用古之治今病正如拆
舊屋接新屋其材木非一其為匠氏之手
其可用乎由是又思許學士釋微論曰予讀
仲景書用仲景之法無未嘗守仲景之方乃
為得仲景之心也遂取東垣方藥子自抄錄
乃悟治病人當如漢高祖蹠秦暴周武王蹠
商之後自非移神散粟與三季之法其所以傷
之氣倦憊之人何由而半復也於是定為陰
易之陽易九氣宜詳審正氣須保護以局

方為戒哉

格致餘論全



